

SOCIETATEA STUDENȚILOR MACEDO-ROMÂNI
Calea Rahovei No. 29

CALENDARUL AROMÂNESC

PE

ANUL 1911




TIPOGRAFIA „VOCEA POPORULUI“, BULEVARDUL ELISABETA, No. 51
— **BUCUREȘTI** —

725. Z. p. 11

Arderea a Crușovlei

Tu 1903, anlu ațel greu, cându nica di tu ahiurhita primăvea-
rălei acățară si s'mintească lucrăle la noi, cându politica a duș-
manilor patriei noastre câfta s'facă cât ma mari mintituri, ca
s'poată s'arichească palmă cu palmă di loclu a Turciei, tu ațel
an s'arse și mușata hoară aromânească „Crușova“.

După ți tricură pisti ună sută di ani di la aspărzirea a muș-



Sterie Cionescu, fondatorul șeoalelor române din Crușova, fost
director al lor timp de 30 de ani. Modest dar aprig
luptător și naționalist luminat

telor hori aromânești, Moscopole, Gramostea, etc., îi vine oara
și a hililei a lor Crușova. Anvârligată de munță analță și pădu-
roși, călătorlu nu poate s'u veadă di cât la intrarea lui în hoară.
Ti semtea a lei mușată își luă și numa ți li-u deadiră Tur-
țili di tu horle di câmpu „Cuș-ova“ (cuibu di puli). Țitate mu-
șată ira ca un paradis ti mîrațli bărbați, cari vineau verile ca
s'li treacă diadun cu fumealia a lor după ți șizură niscântă ani
tu amară xenătie.

Ti Crușoveani, 20 Iulie—5 August 1903 nu-i altu țiva di cât jalea ațea cama mare, jale care va s'țână, cîți di ațeli țî u vizură mușată ca ună lilice și care ira nuntru tu chirolu a foclui. Di la giumbușe vine di ună oară plîngul, plîngul amar pi stimurile a caselor mușate ca niscînte palăți. Pînă astăzi nu știu, cum s'fețe ca veara ațea vinir, Crușova fumeli care avea fugată de mulți ani și cari ș'avea agîrșită patria. Viniră s'hărisească, țî s'plîngă?



N. Ionescu-Bușea, Mare comerciant aromân din Piatra-Neamț.
Filantrop și naționalist convins. A clădit
școala primară de fete din Crușova, a sprijinit și sprijină
necontenit mișcarea noastră națională

Nu știu țî s'zic. Știu mași un lucru, că tuți fudziră înfărmăcați, cîndu ș' vizură hoara a or cinușe și di casele ațele mușate, nu avea armasă di cît stizme analte di cheatră, a căror videare ti înfricușea. Ma easte un sbor care zîțe : „După aris vine și plînsul”. Ași s'tihisi și Crușova. Lumea canda avea turbată. Di tu Maiu nu ira Duminecă s'nu s'facă numți. Numți s'fîțea Crușova și așili tricuți, ma ca atumțea nu s'avea vizută.

Cate Duminecă era cite 8—10 numți. Jocuri și cîntări chimancele nu pupseau și curiile arăsuna di gimbușurile țî s'fățea.

Ficiuramea nu puteai s'u aduâni în casă. Di la mic pînă la mare tuți ș'fătea canda ti cap.

Tu aistu chiro dușmanlu nu durmîa; el lucra pi capite. Cu alăvdări și cu aspărerî, umplu cu fumuri capitle a multor tineri, lă împărți tufechi și li dipărtă di casă și părinți. Iu s'dusiră vîrnu nu știa, și soia plînzea acasă, că ducheau că fuziră s'moară.

Ira Duminică 20 Iulie. zua di Profet Ilie. Ună zua di veară, călduroasă. Cămbăniile asuna la biserici și lumea era isihă că tricură nică ună noapte firă ghiurultie. Tu oara a prînzului acătară s'ducă la biserici precli, precli ca si-s cunună. Nu știa mîrațili și li așteaptă. Hărioși s'toarnă pri acasă și acață giumbușurile ca la tute munțile aromînești. Buțile s'gulescu di ună oară, joclu acață, înveastă intră în cor, cîndu... ună boate jiloasă s'avde di diparte. Oamiñili șișirdisiți s'mutrescu un cu alantu și nu pot s'achicăsească țiva.

Un întreabă : A vzîși țiva ?

— Da, îli răspunse vișinlu ! Cîmbanea asună ti mortu și asunarea tu oară aistă nu-i lucru curat. Tu oara ațea s'avde și ună tufeche și plăscănește ș' di diparte un „Ura“.

Era semnul că ghiurultia s'aciță și lumea pistipsea că di azî ascăpă di Turți. Ași minduia ațeli și nu giudica lucrile ghine. Tu oara aistă lumea aspăreată alasă giumbușea și caftă, cate un s'ascapă. Grangheați, scriați ca cumiți, și-alasa înveăștile, încurunate di cîte va sîhăți, cu tufechea tu mîna s'îndregu s'ducă aclo iu va-ți pitreacă.

Foclu s'dișclise, huchiumatea s'arse, ma geandarmeria, feațe curagiu și ascăpă. Armase cîșlăea care cu 28 ascherlazi țînu cheptu ună zua întreagă cu 500 di inși și cîndu nu ma avură gugoașe și cîndu cîșlăea luă focu fuziră tuți pi tu vale, după și vîtămară vîrnă 8 inși, firă ca ascherea s'aibă vîrnu mortu. Tu zua aistă vizui lucre ce nu va s'li ved pute. Vizui ună muliare tiniră. S'avea 24 ani; cu ficiuricu în brațe, alăga s'află ascăpare. Patru cumiți alăga după nîsă. Vrum s'u ascapăm, ma era amînat; cîndu fură aproapea trapsiră cu tufecle și u vătămară. Mîrata muliare, căzu pi pultări cu inimă pitrunșă di gugoșu. Unu tinir fără mîlă cu sunghia pi tufeche u agudeaște și scoate și oclici a ficiorlui. Îli vătămară, că era înveasta și ficiorlu a unui turcu, care nu vru si s'prida, ma muri cu giunatec, cu tufechea tu mîna, după și truplu a lui fu spitrum, tu di gugoașe și tut sîngele îli cură pi tu arăni. Perlu din cap si scoală, cîndu ti minduești că în loc s'u apără, s'feățiră gileați a unui om firă niți un stepsu.

Cumițili era mași harao ti giuneata și lă si părea că feățiră. Nu s'minduia și li așteaptă. Tu aistu chiro di frică și jeale, s'feățiră lucruri, cari ori cît di învirinat s'ira omlu, eara lipsea s'arîdă. Tilealu strigă, ca lumea s'nu s'aspară, că va s'acață s'aspargă horile înturțești cu topile. Și și tope. Tope di Cireșu, care tu locu di ghiuleazi avea stumburi di să hăți. Zua cîndu vrură

s'tragă lă cripă topa și ațeli ți era aclo, s'lișinară di arideare, ti marea inate a capitelor a comiților.

12 zile dupa aistă, la 30 Iulie seara cîmpul lăea. Lumea cu dulbiile muntrea tu cîmpu și înfricușeată s'turna acasă. Ira aschere di Bitule. 15 tăburi cu 24 tope mări și cu suvarazi. Cumiți di frică fuziră, mași cîțiva tiniri aromîni armasiră s'da cheptu cu ascherea.



**Costi Cheale, bătrânul naționalist și fruntaș din Crușova,
fost timp de 15 ani casier al Eforiei locale**

Topile trag, loclu s'cutreambură și ghiuleazili cad pi case, care nu vor să știbă. Plocile di pi case s'frîngu și ghiulelu plăscănește. Ascherea intră în hoară și cu nîsă și bașibuzuchea. Nă și păru că tute lăețile s'bitsiră, cându di ună oară, pi neaștiptate, și di tu multe părță, aca ă s'easă fum. După ți bașibuzuchea (că nîsa cunoștea iu suntu averi) guli casele ațeale cama bunele, cama avutele, lă deade foc.

Cîndu s'alăsă noaptea, nă limbă di foc lumînă hoara și după nîsă s'avză nă boate surdă, jiloasă. Era cîmbanea di la biserică Sf. Niculae, care după ți arsiră tute grinzile, căzu și nîsă și cădearea aței canda fu asparzirea a hoarălei. Ași tricum nă noapte cu frica în sin, etiîni tuți ti moarte, că nu știam la ți altu s'nă

aştiptăm. Spun oamiñi di 5—6 săhăţi diparte di Cruşova, că foclu s'videa ahîţ ghine tu mesea a noapţilei, în cît oamiñi di Pîr-leap şi avea soe Cruşova, li acăţă plîngul ti alor, că vărnu nu ştia şi s'face la noi. Aşi tricun nă noapte întreagă. Casele ma să-nătoase era înpline di oameni şi tu isbe nu av-ai loc iu s'sezi.

Dimineaţa di 31 Iulie, oamiñli fură adunaţi pi tu curie dinintea a tăburilor di aschere şi aştepta minută cu minută moartea. Indoi tineri, cunoscuţi ghiurultagiaz, fură ligaţi cot la cot şi pitricuţi la hăpsină; iar alţi 4, ti cari erau probe bune ti stepsul a lor, fură ligaţi şi băga i la semnu; ca la 25 ceape di nişi 10 ascherlazi cu tufechile la ocľiu aştepta. Ofiţerlu comandă, „foc” şi tinirili cad în pade alumtîndu-se cu moartea.

După 2 zile şi 2 nopţi di jale şi dirin, foclu şi tufechea pupsi. Ascherea acăţă tute sucăchile şi lumea putu s hibă sigură di bana şi averea aliei. Cite un s'întriba şi fac a lui, ma vîrnu nu putea s'li spună, tuţi vizură funicolu di diparte. Care bănează? Care muri? La aiste întrebări lipsea s'treacă îndao zile, ca omľu s'poată să spună. Furtul fu ahîţ mare căs 'dispuliară oamiñli di cutotalui. Cîndu s' isihăsiră lucrurile, atumţea s'află şi s'avea faptă.

60 di oamiñi vătămăţi, firă stepsu şi vîrnă 480 di case şi du-cheñi erau cinuşe. Casele aţeale ma muşatele fură arse. Arse buricľu a hoarălei; averi di milioane s'dusiră ti totuna. Cruşova va si-s adară, ma nu va si-sadară Cruşova cu casele aţeale muşate a Niciotazilor şi Biserica Sf Nicolă.

Patru ani după aistă şideam cu soţli in curie, şi mutream mîrata hoară. Dit grădina aistă di poñi videam un loc gol, un loc sterpu cu cheţri ună pisti alantă şi cu case noi firă niţi ună noimă. Aclo iu ma nainte s'anălţau palate, astăzi suntu căsuţe mîţi niscînte muşate, niscînte urîte. Nu poate omľu si-şi ascundă lacrimile, cîndu s'mindueaşte şi era mai năinte.

Jale tru tute părţile. Tu locľu aţel cama muşatľu, azi vezi che-tre, care să spilară di ploile şi căzură şi a căruí fum s'aştearse. Fumelile fug, cari pri iu şi-au bărbaţili şi tu locľu alor vîn vurgări di pi tu hori. Cu şi stipsişi mărată Cruşovă, ca s'ti pidipsească lă-zeu ahîţ multu? Ică şi easte scriată ca s'paţi ca Birina şi Trestinic?

Nu. Aistă nu va si s'facă vîrnă oară. Va ti faţi cama muşată di cum irai, şi urmele di sînzi di pi locľu atău va li faţim s'cheară. Cruşuveañli di iuţido suntu, nu va ti alasă. Tuţi va si s'toarnă la tine, că-li doare. La tine suntu, murminţili a tutulor şi nă suntu scunchi, şi la tine, vrem s'nă hibă şi anauă mormintul.

Sterie Papa Sotir
Cruşovean